

雲龍州志稿

卷四

雲龍州志

稿

卷四

雲龍州志卷十三

藝文

三物之教藝居其末四科之目文列為終古人  
原不尚文也然居今稽古無文不行雲郡久霑  
文教凡

盛世綸音之播前輩著作之文與夫騷人之吟咏  
有關於掌故風化者亦不容沒茲特採而錄之  
以供披覽焉志藝文

本朝

修建學宮碑記

康熙知州

顧芳宗

上虞

樸榆爲滇石名郡領四川三縣而雲龍獨處西陲距  
郡治五百餘里較他屬最遠無城郭庠舍諸務草創  
蔑如也先是蒙氏段氏竊據其地由唐迄元屢啓邊  
釁殆無寧日明初始歸附向化焉然因陋就簡疆里  
雖入版圖人民仍隸土司管轄其民頗愚其俗獷悍  
椎魯未諳文教教至萬厯年間改土設流始立學校  
駸駸乎稍知大義矣

國朝定鼎以來車書一統教澤覃敷凡海隅日出雕題  
黑齒之屬莫不漸以禮樂迪以詩書君師之統無遠  
弗届况雲龍久內附者邪歲戊寅余奉

簡奉來牧是邦詰旦謁先師廟唯見巋然靈光獨  
存一木難支勢不至鞠為茂草本止禮畢歆歆良  
久揖諸生而詢之僉曰州之有學宮前此不可攷  
矣明萬厯庚申始建於西山之麓形勢家以為未  
善康熙辛酉黃岡張使君來蒞吾州詢謀僉同契  
龜而改卜於此規撫略具又不久旋去後之官斯  
土者方簿書催科之不暇而遑及此乎棟折榱崩  
漂搖風雨文治之不彰都人士之不幸也余慨然  
曰士生今日值

聖天子右文盛世臨雍講藝執醕引年其在鄉學

增廣博士弟子解額至振文風又

文

御書匾額懸諸廟庭鼓勵多士而雲龍以邊徼天末廟  
貌頽敝一至於此誰之咎與遂毅然以為已任不敢  
謝不敏也壬午秋余捐俸若干以為倡始州之紳士  
亦皆懼忻鼓舞鳩工庀材以佐余不逮諸生楊翔鳳  
輩首肩其任而楊彥章若兩人繼踵其成余則經營  
而擘畫之其一切竹屑木頭纖悉不遺匠石資直先  
時而給者冀成之不曰為萬民若也甲申六月落成  
輪奐聿新肅然生敬遠而望之為門為堂為

先師殿為黌垣上舍近而即之為祠為廡其後為  
啟聖宮秩如也稽顙宮制古戟門外建鄉賢名宦祠  
祠中作泮池池之上有橋橋之外為櫺星門以障  
之殿廡之側鏞鐘鼗鼓春秋冬夏課諸生於其堂  
而規制始備今乃於櫺星門外穿一小池無鄉賢  
名宦祠又明倫堂遠在二三百武之外不相聯屬  
於制俱未合余持鼎而新之建祠於大成門之左  
右外為櫺星門又其外為泮池池上為青雲橋橋  
兩翼建義路禮門遷明倫堂於其右廊齋署若干  
楹建魁星門更推崇所自報啟聖宮而寢成孔安

獨泮池在櫺星門外心未慊焉然功成勿毀且限  
於地毋紛更也是役也觀瞻嚴肅廢墜修舉秋祭  
時都人士從釋奠後復進而請曰州學頽圯已久  
賴神君因而葺之不擾民不傷財而人心踴躍不  
可無以志之用垂不朽余唯唯否否曰學校之興  
廢人才之盛衰係焉今

天子在上崇儒重道興賢育才而遠近蒸蒸翕然炳  
蔚為州牧者承宣德意以振起斯文有司之職也  
烏乎志願自今以還戶誦家絃興仁講讓越明年  
而登賢書者某某矣越明年而雋南宮者又某某

矣科第蟬聯綿綿不絕以修之家者獻之於  
廷作它日棟樑之用奕世而不猶得遙而溯之曰吾  
州騰蛟起鳳甲六詔兩迄自越州某使君始也則  
幸甚矣一時司鐸暨諸紳士皆掀髯大聲稱善即  
以余言勒之於石余亦不得而固辭焉其諸捐資  
及董其事者不可略也例得紀諸碑陰

小碓馬山郵亭碑記

康熙  
知州

顧芳宗

上虞

古者列國之風諸侯來之以貢於天子天子受之  
而例於樂官於以考其俗尚之美惡而知其政事  
之得失二南為正風所以用之閨門用之鄉黨用

之邦國而化天下十三國為變風則亦領在樂官以  
時存肄備觀省而垂法戒良法美意識鉅典也自巡  
狩之禮廢而采風之使邈矣無聞後之咏皇華者芳  
二使星之采蓋郡花石綱之偏江南不過覘其虛寔  
為窺何算歛之計而已可勝悼哉雲龍雖僻在西南  
鄙然而南連永緬北通麗水西亘潞江東抗楚豫滇  
黔之衝故夫英君詰相與四方之賢人君子皆欲考  
政而問俗焉而鳥道紆迴懸車束馬難以飛渡一當  
春夏霖潦之交洪波汨沒裹足不前蛟螭窟其中而  
猿狖號其上昔人云蜀道之難難於上青天以五雲

旬較之覺蜀道猶為坦途也余自戊寅夏叱馭至  
此援木甃石次第興舉又募五丁手伐崖燭石建  
郵亭十數椽於小碓馬山之巔瞻蜀漢之儀像可  
以作忠瞰隔岸之溫泉用以拔濯側聞

聖天子南巡狩有事於衡嶽必將

命大使輜軒以采民風為州牧者視奎視館高其開  
闔厚其墻垣加之以舟龔黜堊焉所以重

王命也若夫行道之人苦蔽風雨義漿之設解相如  
渴特其餘事耳成予志者州之紳衿龜屬耆舊其  
始終部署耐任勞勩者李椽象天其名也

# 跋言

維馬山勢高峻沿江道路崎嶇去州五里許適當  
極顛前牧鑿崖建亭於其上南北二門以司啓閉西  
有溫泉上下相望置義由以贍守者迄今閱十載  
矣猶完固如初是亭也可以往來憩息可以迎送  
賓客可以防盜賊之越逸可以補風氣之殘缺余四  
載間經由其地輒嚮往之適當州志之成更筆之  
於冊以勸來者使慎終如始勿以為無關治績而  
聽其廢墜焉其裨益於雲龍匪淺鮮矣

重建城隍廟碑記

康熙四十四年

顧芳宗

州之有廟所以理陰而贊陽也攷之古初城隍之神  
不載祀典趙宋時名臣特題具請以為有功臣社勅  
令與山川風雲雷雨壇而並祀明洪武初削平群雄  
詔諸死事之臣無嗣者特諭州郡邑有司祀為城隍  
之神春秋以時報富之凡境內一有旱乾水溢疫疾  
之災冤抑不白之事守斯土者得以牒文申愬明彰  
報應默為輔祐月朔望刺史必率屬僚躬叩階禱肅  
敬盡禮以資其扞禦金湯之功

本朝因而不變有其舉之莫敢廢也典綦重矣雲龍州

改土設流治向在江外三七之北茲地舊名五井其  
曰五井者金泉石縫河邊井民居新井與維馬統而  
為五井也維馬井為鹽司之治則所祀者亦不過為  
醯醢奉事之神湫隘囂鹿固所有也已

本朝開滇以來江外舊志悉為瓦礫之場仍遷州於維  
馬砥柱橋之西北德龍山枕其後泚水環其前雖相  
度形勢築城浚隍事尚有待而一州廟食行將與西  
間而並壽業已為理陰贊陽之主而制度草創非所  
以光祀典也康熙二十年黃岡張君來刺是州稍從  
而黝堊之歲久傾圯剝蝕難支廟在公堂之南朝夕

必見余受任七載於斯默禱於心必欲新建一新以  
式廓其規模而基址未廣何以闢之棟樑未儲何以  
度之匠石未施何以給之欲為一勞永逸之計而力  
不逮心鮮終貽譏慢神虐民兩者交失未敢率略行  
事乙酉三月閱邸抄倬邀

聖眷量移比部副郎交代就道有日喜愧叢集終以廟事  
未舉鞅鞅如負芒刺次日即捐奉若干兩付諸生楊  
彥章王勉學等鳩工夥材以酬夙志獨惴惴焉未敢  
遽必其成也不意庶民子來六科効命紳士主其綱  
而工役總為力廟之西南拓基二丈許一瓦一椽如

有神助不日告成事廟貌爽塏高敞較諸前日而更  
加倍焉人有是心天必佑之思若以啓行若以翼語  
有之曰人定勝天洵匪誣也余今行矣與諸父老別  
矣願州之人士時和年豐受茲景福歷億萬禩無疆  
以世其子孫焉因謹勒其年月日時始末以告後之  
來者

溫泉碑記

丁亮工

余之守雲龍也五年於茲矣半老倦於政事公餘偶  
暇癖嗜尋芳一日步於署之左偏地名石城有溫泉  
出山半清且香為六詔第一泉州人皆就浴焉泉之

前奇峯若屏壁立千仞行人登眺如飛鳥閱雲飄然  
天半泉之右雷鳴獅吼瀑布高懸泉之下則又安瀾  
潏迴寒潭澄碧游鱗皆現泉之巔半空飛洞疑有仙  
居因顧之曰別有洞天泉之右沙渚汀洲遊人來往  
編竹筏以渡真勝地也惜乎有泉無居州人士女露  
浴其中殊若不便余曰此太守事也遂鳩工庀材構數  
楹其上盈尺之間有樓焉有宇焉有橋焉有亭焉有  
邨氏之庖焉有出泉之龍伏水之豹焉於是都人士  
群相告曰太守之為我謀者事雖小而流澤長我輩  
沐浴其中而寢處其下無虞風雨之不蔽矣予則曰